



# წმინდა სერგი რადონეჟელის ხსენების დღეს უწმინდესმა პატრიარქმა კირილემ ლიტურგია აღავლინა წმინდა სერგის სამების ლავრაში



სს.კ.გ.-ის კომუნიკაციის სამსახური, 18.07.2024. 2024 წლის 18 ივლისს, რადონეჟის წინამძღვრის, ღირსი სერგის (1422) წმინდა ნეშტის მოპოვების დღესასწაულზე, მოსკოვისა და სრულიად რუსეთის უწმინდესმა პატრიარქმა კირილემ საღმრთო ლიტურგია აღავლინა წმინდა სერგის სამების ლავრის საკათედრო ტაძრის მოედანზე, – იუწყება მოსკოვისა და სრულიად რუსეთის პატრიარქის პრეს-სამსახური.

სადღესასწაულო ღვთისმსახურება ჩატარდა ღირსი სერგი რადონეჟელის განდიდებული ხატის წინ. სადღესასწაულო ღამისთევისა და საღმრთო ლიტურგიის აღსასრულებლად საკათედრო ტაძრისწინა მოედანზე აიგო ბაქანი, ხოლო ლავრის მიძინების ტაძრის წინ – ტრაპეზი საფარველქვეშ.

ლიტურგიაზე მის უნმინდესობას თანამწირველობას უწევდნენ: ტაშკენტისა და უზბეკეთის მიტროპოლიტი ბიკენტი, ცენტრალური აზიის სამიტროპოლიტო ოლქის მეთაური; სანკტ-პეტერბურგისა და ლადოგის მიტროპოლიტი ბარსანოფი; კრუტიცკისა და კოლომნის მიტროპოლიტი პავლე, მოსკოვის სამიტროპოლიტოს საპატრიარქო ვიკარი; მინსკისა და ზასლავის მიტროპოლიტი ბენიამინი, სრულიად ბელარუსის საპატრიარქო ეგზარქოსი; ვოსკრესენსკის მიტროპოლიტი გრიგოლი, მოსკოვის საპატრიარქოს საქმეთა მმართველი, მოსკოვისა და სრულიად რუსეთის პატრიარქის პირველი ვიკარი ქალაქ მოსკოვში; ვოლოკოლამსკის მიტროპოლიტი ანტონი, საგარეო საეკლესიო კავშირების განყოფილების თავმჯდომარე; ნარო-ფომინის მიტროპოლიტი ნიკანდრე, მოსკოვის საპატრიარქოს საფინანსო-ეკონომიკური ადმინისტრაციის თავმჯდომარე; სამარისა და ნოვო-კუიბიშევსკის მიტროპოლიტი სერგი; ყაზანისა და თათარსტანის მიტროპოლიტი კირილე; ივანოვო-ვოზნესენსკისა და ვიჩუგის მიტროპოლიტი იოსები; ბალტიისა და სვეტლოგორის მიტროპოლიტი სერაფიმე; კურგანისა და ბელოზერსკის მიტროპოლიტი დანიელი; კაშირის მიტროპოლიტი თეოგნოსტი; ტამბოვისა და რასკაზოვის მიტროპოლიტი თეოდოსი; ნიჟეგოროდისა და არზამის მიტროპოლიტი გიორგი; რიაზანისა და მიხაილოვსკის მიტროპოლიტი მარკოზი; ლუგანსკის და ალჩევსკის მიტროპოლიტი პანტელეიმონი; ორიოლისა და ბოლხოვის მიტროპოლიტი ტიხონი; სარანსკისა და მორდოვიის მიტროპოლიტი ზინობი; ხანტი-მანსიისა და სურგუთის მიტროპოლიტი პავლე; ვლადივოსტოკისა და პრიმორსკის მიტროპოლიტი ვლადიმერი; ასტრახანისა და კამიზიაკის მიტროპოლიტი ნიკონი; სმოლენსკისა და დოროგობუჟის მიტროპოლიტი ისიდორე; ვოლგოგრადისა და კამიშინის მიტროპოლიტი თეოდორე; ეკატერინოდარისა და ყუბანის მიტროპოლიტი ვასილი; სერგიევ-პოსადისა და დიმიტროვის ეპისკოპოსი კირილე, წმინდა სერგის სამების ლავრის წინამძღვარი, მოსკოვის სასულიერო აკადემიის რექტორი; რამენის ეპისკოპოსი ალექსი, უნმინდესი პატრიარქის კირილეს პირადი მდივანი; რუსეთის მართლმადიდებელი ეკლესიის ეპისკოპოსთა კრებული.

ღვთისმსახურებაში მონაწილეობა მიიღეს ადგილობრივი მართლმადიდებელი ეკლესიების მღვდელთმთავრებმა და სასულიერო პირებმა: ფილიპოპოლის მიტროპოლიტმა ნიფონმა, ანტიოქიისა და სრულიად აღმოსავლეთის პატრიარქის წარმომადგენელმა მოსკოვისა და სრულიად რუსეთის პატრიარქთან; რემეზიანის ეპისკოპოსმა სტეფანემ, სერბეთის პატრიარქის წარმომადგენელმა მოსკოვისა და სრულიად რუსეთის პატრიარქთან; არქიმანდრიტმა სერაფიმემ (შემიატოვსკი), ჩეხეთის მიწებისა და სლოვაკეთის მართლმადიდებელი ეკლესიის წარმომადგენელმა მოსკოვის საპატრიარქო საყდართან; დეკანოზმა დანიელ ანდრეიუკმა, ამერიკის მართლმადიდებელი ეკლესიის წარმომადგენელმა.

უნმინდეს მეუფეს ასევე თანამსახურებდნენ: არქიმანდრიტი მაკარი (ვერეტენიკოვი), ეკლესიის ისტორიის დოქტორი, ლავრის მკვიდრი; პროტოპრესვიტერი ვლადიმერ დივაკოვი, მოსკოვისა და სრულიად რუსეთის პატრიარქის მდივანი ქ. მოსკოვში; არქიმანდრიტი იერემია (სოლოვიევი), ლავრის მკვიდრი; არქიმანდრიტი ავლიპი (კასტალსკი-ბოროზდინი), ლავრის მკვიდრი; ილუმენი დიონისე (შლიონოვი), მოსკოვის წმინდა ანდრიას სტავროპიგიალური მონასტრის წინამძღვარი; არქიმანდრიტი დიოდორე (დიდკოვსკი), ლავრის მკვიდრი; ილუმენი ილარიონი (გოიუკი), ლავრის მკვიდრი; წმინდა სერგის სამების ლავრისა და სავანის მეტოქიონთა სასულიერო ხარისხის სხვა მკვიდრნი; ქ. მოსკოვის სასულიერო პირები.

წირვას ესწრებოდნენ: რუსეთის ფედერაციის ფედერალური ასამბლეის სახელმწიფო დუმის სამმენებლო და საბინაო-კომუნალური მომსახურების კომიტეტის თავმჯდომარე ს.ა. პახომოვი; მოსკოვის რეგიონის სერგიევ-პოსადის ურბანული ოლქის ხელმძღვანელი დ.ა. აკულოვი; ღია სააქციო საზოგადოება „რუსეთის რკინიგზის მაგისტრალი“-ს გენერალური დირექტორის პირველი მოადგილე ვ.ვ. მიხაილოვი; მოსკოვის რეგიონის ვიცე-გუბერნატორის მრჩეველი, საიუველირო და ხელოვნების სახელოსნო „მოციქული“-ს

ხელმძღვანელი ი.ს. ხარკოვი; რუსეთის ფედერაციის ფედერალური ასამბლეის სახელმწიფო დუმის დეპუტატი, რუსეთის გმირი, მფრინავი-კოსმონავტი ე.ო. სეროვა.

ასევე ესწრებოდნენ რუსეთის ფედერაციის ეროვნული გვარდიის (როსგვარდია) ფედერალური სამსახურის მთავარი სამხედრო-პოლიტიკური სამმართველოს უფროსის მოადგილე, გენერალ-მაიორი ა.ა. სალნიკოვი; როსგვარდიის ოფიცრები.

როსგვარდიელებმა მონაწილეობა მიიღეს სერგიევ-პოსადში წმინდა სერგი რადონეჟელის ხსენების დღისადმი მიძღვნილი სადღესასწაულო ღონისძიებების ორგანიზებაში. მათ მოაწყვეს კარგების ბანაკი მომლოცველებისა და ვოლონტიორებისთვის, უზრუნველყვეს დასაკეცი სანოლები და საველე ქვეშაგები, გაშალეს კვების პუნქტი საველე სამზარეულოებში ცხელი კერძების მოსამზადებლად. საზოგადოებრივი წესრიგის დაცვას, მრავალათასიანი ჯვრით მსვლელობისას „ხელმწიფიდან ღირს მამამდე“, უზრუნველყოფდნენ არასაუწყებო დაცვის თანამშრომლები, სპეცრაზმი „პერესვეტი“ და როსგვარდიის ცენტრალური ოლქის დედაქალაქის შენაერთის სამხედრო მოსამსახურენი.

ღვთისმსახურების დროს ლოცულობდნენ სტავროპიგიალური მონასტრების ილუმენები, მონოზვნები, „ხელმწიფიდან ღირს მამამდე“ ჯვრით მსვლელობის მონაწილენი, მრავალრიცხოვანი მომლოცველები.

საღვთისმსახურო გალობები შეასრულა წმინდა სერგის სამების ლავრისა და მოსკოვის სასულიერო აკადემიის გაერთიანებულმა გუნდმა მღვდელმონოზონ ნესტორის (ვოლკოვი) ხელმძღვანელობით.

საპატრიარქო წირვა პირდაპირ ეთერში გადაიცემოდა ტელეარხებზე – „Союз“ და „Спас“, ასევე რუსეთის მართლმადიდებელი ეკლესიის ოფიციალურ ვებგვერდზე Патриархия.ru.

მრჩობლ კვერექსზე საგანგებო ვედრებები იქნა აღვლენილი; უწმიდესმა პატრიარქმა კირილემ ნაიკითხა ლოცვა წმინდა რუსეთისთვის.

ზიარების წინ ქადაგება წარმოთქვა ლავრის მკვიდრმა, ილუმენმა ფილიპემ (ელშინი).

ღვთისმსახურების დასასრულს უწმინდესმა მეუფემ, რუსეთის მართლმადიდებელი ეკლესიის წმინდა სინოდის წევრებმა და დღესასწაულზე ლავრაში მისულმა მღვდელთმთავრებმა რუსეთის მიწის ილუმენს პარაკლისი აღუსრულეს.

პარაკლისის შემდეგ უნმინდეს პატრიარქს მისასალმებელი სიტყვით მიმართა მონასტრის წინამძღვარმა, სერგიევ-პოსადისა და დიმიტროვის ეპისკოპოსმა კირილემ.

ტაძრის მოედანზე სამწყოს ბაქნიდან სანინამძღვრო სიტყვით მიმართა რუსეთის მართლმადიდებელი ეკლესიის წინამძღვარმა:

„ძვირფასო მეუფენო, მამებო, ძმებო და დებო!

ჩვენი ეკლესიისთვის – და, არ შემეშინდება ვთქვა, მთელი ჩვენი სამშობლოსთვის – ამ განსაკუთრებულ დღეს მინდა მოგესალმით ყველას წმინდა ღირსი სერგის ასკეტური ღვანლის ადგილზე.

ღირსი სერგის მაგალითი მოწმობს ღვთის ძალას, რამეთუ ნათქვამია, ღმერთს თავისი ძალით „ხელენიფება თვით ამ ქვათაგანაც აღუდგინოს ძენი აბრაამს“ (მთ. 3:9). მას შეუძლია თავმდაბალი ბერისგან უზარმაზარი ერის ლიდერი შექმნას – ადამიანი, რომელსაც შეეძლება, ხალხი საბრძოლველად აღძრას მისი ისტორიის ყველაზე მძიმე პერიოდში. და არა მხოლოდ აღძრას, არამედ ასევე დაარწმუნოს, რომ აუცილებლად ჩვენი სამშობლო გაიმარჯვებს. ყველას კარგად ესმოდა: თუ ღირსი მამა საომრად მოგვიწოდებს, ცხადია არა დასალუპავად, არამედ გადასარჩენად. და ეს რწმენა – ღირსი მამის სამომავლოთა ცოდნის ძალისა, მისი კეთილმსახურებისა, ცხოვრებისეული ღვანლისა, – გახდა სიგნალი, რომელმაც ჭეშმარიტად აღაფრთოვანა და სიმამაცით განაწყობა ჩვენი მეომრები კულიკოვოს ველზე საომრად, სადაც გამარჯვება იქნა მიღწეული. ღირსი სერგის ლოცვებით ჩვენმა ჯარმა შეძლო ქვეყნის დაცვა, შემდეგ კი მტრის საბოლოოდ განდევნა.

ხანდახან, ამა თუ იმ ისტორიული მოვლენის გასაანალიზებლად, საერო მეცნიერები იყენებენ, – რაც მათი თვალსაზრისით სრულიად სამართლიანია, – შესაძლებლობების შეფასებას. აი, ნახეთ, ჩვენს ჯარს მაშინ არ ჰქონდა მტრის დამარცხების არანაირი შესაძლებლობა. ამიტომ, ყველაზე კრიტიკული ისტორიკოსებიც კი უდიდეს პატივს მიაგებენ წმინდა სერგის და, რა თქმა უნდა, ჩვენი ჯარისკაცების გამბედაობასა და გმირობას, რომლებმაც რეალური გამარჯვება მოიპოვეს მტერზე. ეს ისტორია ამონშებს, რომ ღმერთის ძალა ჩვენს უძღურებაში სრულ იქმნების (2 კორ. 12:9). მაგრამ რომელ უძღურებაზეა ლაპარაკი? თუ უძღურება მოდის ჩვენი სიზარმაციდან, ჩვენი სისუსტიდან, სწავლისა და ღვანლისადმი ჩვენი გულგრილობიდან, მაშინ ასეთი უძღურება არათუ უსარგებლოა, არამედ ზიანის მომტანიც კი არის როგორც სიზარმაცით ავსებულისთვის, ისე მის გარშემო მყოფთათვისაც.

მაგრამ უფალი ყოველთვის ეხმარება მათ, ვინც თავის წილ გზას მიუყვება იმ შედეგთან შესახვედრად, რომლისთვისაც მას მოეკითხება. აი, ეს ყველა ჩვენგანმა კარგად უნდა შევიგონოთ: ღვთის მაღლი ავტომატურად არ გვაქცევს აბრაამის შვილებად, ავტომატურად არ გვჩუქნის გამარჯვებას და ამიტომ ყოველთვის უნდა გვახსოვდეს პასუხისმგებლობის ის წილი, რომელიც თითოეულ ჩვენგანს აკისრია ამა თუ იმ საქმეში. ეს ეხება არა მხოლოდ საბედისწერო ბრძოლებს ან მნიშვნელოვან ისტორიულ მოვლენებს – ეს ეხება ჩვენი პირადი და პროფესიული საქმიანობის მრავალ ასპექტს, უფლისა და ეკლესიისადმი ჩვენს მსახურებას.

ასე რომ, ჩვენ ვსასოებთ ღვთის ნებას, ლოცვით ვიზიდავთ მის მაღლს და პიროფლიანნი ვშრომობთ. შრომისკენ მონოდება განსაკუთრებით ახლა მიმაჩნია ძალზედ აქტუალურად. ის, რაც მსოფლიოში ხდება, გვაშინებს. სახეზეა რეალური აპოსტასია – ღმერთის უარყოფა, ღვთაებრივი მცნებების უარყოფა. და არა მხოლოდ უარყოფა, – წარსულშიც უარყოფდნენ, მაგრამ მისგან განსხვავებით დღეს უკვე არსებობს სწრაფვა, ააშენონ მძლავრი ცივილიზაცია ღმერთის გარეშე და მისი განგებაზე ყოველგვარი იმედის გარეშე, მხოლოდ საკუთარ ძალებზე დაყრდნობით. ძველი აღთქმიდან ვიცით, რომ ყველა ასეთი მცდელობა, ბაბილონის გოდოლის მშენებლობის ჩათვლით, პირნმინდად გაცამტვერდა. ზუსტად ასევე ეს მცდელობაც, შექმნან კეთილმონყობილი, აყვავებული სამყარო წინასწარ მისგან ღმერთის განდევნით, დიდი უაზრობაა! და მე მიხარია, რომ ჩვენი ხალხის სულ უფრო და უფრო მეტ ნაწილს ესმის ეს. საკუთარი გამოცდილებით ადამიანები ძლიერდებიან რწმენაში, რადგან ბევრი ხვდება, რომ მართლაც, – როგორც რუსული ანდაზა ამბობს, – „без Бога – ни до порога“, ნამდვილად შეუძლებელია რამე სასარგებლო გააკეთო.

კიდევ ერთხელ მინდა ვთქვა: დაე, ღმერთმა ინებოს, მისი წყალობით დაგვეცვას ჩვენი ქვეყნის ქეშმარიტი სუვერენიტეტი, მისი თავისუფლება, მისი დამოუკიდებლობა, რაც თავისთავად ნიშნავს ჩვენი ქვეყნის როგორც სულიერ, ისე მატერიალურ კეთილდღეობას. ეს უნდა იყოს დღეს ჩვენი ლოცვის საგანი. ძვირფასო მეუფენო, საბედისწერო ჟამს განგვიჩინა უფალმა ჩვენ სამღვდელთმთავრო მსახურება. ძვირფასო მამებო, თქვენც შეგახსენებთ ამის შესახებ, რათა თითოეულმა თქვენგანმა კადნიერად და ძალღონის დაუზოგავად ატაროს თავისი სამწყსო მსახურების მძიმე, მაგრამ საპატიო ჯვარი. მოგმართავთ ასევე მრევლს, ჩვენს ხალხს, და მოგიწოდებთ, რომ შეინარჩუნოთ მართლმადიდებლური სარწმუნოება, ეცადოთ მოაწყოთ თქვენი ცხოვრება – პირადი, ოჯახური, სოციალური, სახელმწიფო – საღვთო რჯულის შესაბამისად, რათა ყველაფერში, რასაც აკეთებთ, ღვთის შეწევნა იქონიოთ.

ჩვენი წმინდა ღირსი და ღმერთშემოსილი მამის, სერგის, რადონეჟელი ილუმენის, საკვირველთმოქმედის ლოცვებით, დაე უფალმა დაიცვას ჩვენი მიწა, ჩვენი ეკლესია, ჩვენი ხელისუფალნი, ჩვენი ხალხი ყოველგვარი ბოროტებისგან. ამინ".

შემდეგ უწმინდესი პატრიარქი კირილე გაემართა მონასტრის სამების საკათედრო ტაძარში, სადაც ემთხვია ღირსი სერგის პატიოსან ნეშტს და თაყვანი სცა წმინდა ანდრია რუბლიოვის მიერ დანერილ წმინდა სამების ხატს. უწმინდესმა მეუფემ თაყვანი სცა ასევე სერაპიონის პალატის სწმინდეებს.

რუსეთის ეკლესიის წინამძღვარი მოკლედ გაესაუბრა სერგიევ-პოსადში ამ დღეებში მიმდინარე საერთაშორისო კონგრესის – „მართლმადიდებელი ახალგაზრდობის თანამეგობრობა“ – მონაწილეებს. მართლმადიდებელმა ახალგაზრდებმა მის უწმინდესობას ხეზე ამოკვეთილი ღვთისმშობლის კურსკის ფესვის ხატი [„ზეციური ნიშანი“] მიართვეს.

ღვთის საპატრიარქო პალატის სატახტო დარბაზში უწმინდესმა პატრიარქმა საეკლესიო ჯილდოები გადასცა რუსეთის მართლმადიდებელი ეკლესიის ეპისკოპოსებსა და კლირიკოსებს, რომლებიც მიმდინარე წელს სამახსოვრო თარიღებს აღნიშნავენ.

ტრადიციის თანახმად, ღირსი სერგი რადონეჟელის ხსენების დღეს სადღესასწაულო სამღვდელთმთავრო წირვა-ლოცვა ასევე აღესრულებოდა მოსკოვის სასულიერო სასწავლებლებისა და წმინდა სერგის სამების ლავრის ტაძრებში.

პოკროვის აკადემიურ ტაძარში საღმრთო ლიტურგიას წარუძღვა ტობოლსკისა და ტიუმენის მიტროპოლიტი დიმიტრი; ღირსი იოანე კლემაქსის ტაძარში – ტომსკისა და ასინოვსკის მიტროპოლიტი როსტისლავი.

---

წყარო: <https://mospat.ru/ge/news/91991/>